


Barumsaa fi fakkeenyota kan barreesse: Willem de Vinki

# YESUS MASIHICHA




SEENAABARA HUNDUMAATTI CAALEE ARGAMU

## Maali inni...




Amantii: Waaqayyo wanta abdachiise akka raawwatu amanachuu kee ti (p. 58).

Ayyaana Du'aa Ka'u: Ayyaana isa du'aa ka'u Yesus itti ayyaanessanii dha. Warri Yihudootaa guyyootuma kana irra ayyaana Faasikaa, guyyaa itti biyya Gibxiitii ba'an ayyaaneffatu (p. 38-54).




Cubbuu: Wantoota fedha Waaqayyo hin ta'in nuyi hojjennuu fi akeeka Waaqayyo nuuf qabu bira akka nuyi hin geenyeef kan nu ittisuu dha (p. 4).

Deebi'ee dhufuu: Yommuu Yesus deebi'ee gara biyya lafaa dhufu wantoonni hundinuu ni haareffamu. Waaqayyo waaqaa fi lafa ni haarella (p. 57).




Dhiifamuu cubbuu: Namni hojii isaatiin kana argachuun ta'uuf hin jiru yoo ta'e iyyuu, Waaqayyo cubbuu namaaf ni dhiisa. Yoo ati cubbuu hojjettetti gaabbitee fi jijiiramuudhaaf fedhii qabaatte Waaqayyo cubbuu kee siif dhiisa. Sababa Yesus adaba isa nuuf ta'a ture ofii Isaaf fudhateef dhiifamuun cubbuu nuuf ta'uu danda'e (p. 58).



Du'aa ka'u: Yesus du'a keessaa ni ka'e. Gaaf tokko namni hundunu du'aa ni ka'u. Yeroo sana Waaqayyo tokkoo tokkoo namaaf murtii ni kenna (p. 53-57).



Duuka-buutuu: Nama Yesus duukaa bu'u (p. 18).



Eebba: Wantoota gaggaarii hundumaa kanneen Waaqayyo namoota wanta fedha Isaa ta'e hojjetaniif kennuu dha

Ergamaa Waaqayyoo: Waaqayyoo kan ergamu, ijaan kan hin argamne (f.5).

Fannoo: Meeshaa dhipinaa isa Yesus fed huma Isaatiin irratti rarraafamee du'e. Inni kun mallattoo duuka buutota Yesus hundumaa ta'e (f. 25, 50).

Hafuura Qulqulluu: Hafuura Waaqayyoo kan Inni ittiin namoota Yesus duukaa bu'an keessa jiraachuu barbaaduu dha (p. 58).

Ilma Waaqayyoo: Maqaa Yesus ittiin waamamuu dha. Inni Waaqayyo Isa nama ta'e, Ilma Waaqayyoo Isa gara biyya lafaa dhufee dha.

Irbaata Gooftaa: Duuka buuttonni Yesus buddeena fi daadhii wayinii nyaachuu fi dhuguudhaan du'uu fi du'aa ka'u Isaa yaadatu (f. 41).

Jirenya Bara baraa: Yesusii wajjin jiraachuu isa Waaqayyo nuuf qopheesee dha. Kunis du'a kan injifatee fi jirenya barri isaa xumura hin qabnee dha (p. 23, 29-30 fi 59).

Kadhanna: callisuudhaan yookiis sagalee ol kaastee Waaqayyo waggiin dubbachuu fi Isa dhaggeeffachuu dha (p. 18, 19, 42).


Macaafa Qulqulluu: Macaafa Qulqulluu keessaa akka itti Waaqayyo nama ilaaluu fi akka Inni itti isaan jiraachisu dubbisuu ni dandeessa.

Masihi: 'Mootii isa Dibame' jechuu dha. Masihi (jecha afaan Ibirootaa) afaan Girikiitti yommuu hiikamu Kristos jechuu dha (p. 52, 55).

Mootummaa Waaqayyoo: Mootummaan Waaqayyoo bakka namoonni Isaaf abboomaman jira.

Seexana: Diina Waaqayyoo fi namaa isa ijaan hin argamne (Daabilosis ni jedhama).

Yesus: maqaa Ilma Waaqayyoo ti, hiikaan isaas, 'Waaqayyo ni fayyisa jechuu dha.



## Bara Yesus


Lakkoofsi barri nuyi keessa jiraannuu dhalachuu Yesus irraa eegala. Yeroo sana namoonni miillaan, harree, gaala, yookiis fardaan adeemu turan.  
Biyyoonni Awuophaa garri caalu, Giddu galeessi Bahaa, fi Kaabi Afiriqaa Mootummaa Roomaa jala turan.  
Yihudoota biyya Isiraa'el keessa jiraatantu danda'a malee, namoonni garri caalaan dubbisuu fi barreessuu hin danda'an turan. Yihuudonni 'Namoota Macaafichaa jedhamanii waamamu.

Waaqayyo Macaaficha Keessatti, jechuunis Macaafa Qulqulluu Keessatti, ni dubbata. Inni uumaa wantoota jiran hundumaa ti, Inni namootaa wajjin walitti dhufeenyaa qabaachuu barbaada. Yesus isa kana sirriitti ibsee namatti argisiise!

## Yesus Masihichi Eenu?

Yesus naannoo waggoota 2,000 dura biyya Isiraa'el keessa jiraate. 'Yesus Masihicha' yookiis 'Yesus Kristos' jennee waamna. Kunis Inni Mootiidha jechuu dha. Inni Mootii qofa miti. Yesus 'Ilma Waaqayyoo', akkasumas 'Ilma Namaa' jedhamees ni waamama. Kana jechuun Inni Waaqayyoodha, namas jechuu dha. Seenaan jirenya Yesus Macaafa Qulqulluu keessatti ibsamee jira. Inni yeroo hundumaa seenaanisa caaluu dha.





## Biyya Isiraa'el bara Yesus keessa

Magaalaa Guddittii – Yerusaalem

Kutaalee biyyaa: Galiilaa, Samaariyaa, Yihudaa.

Bal'ina (hamma): Shallaggiitti 28, 000 km<sup>2</sup>  
(maayiloota isku'eera 10,810)

Haala qilleensa isaa: Badda-daree

Siyaasa: 63 KD (Kristos Dura) irraa eegalee warri Roomaa biyya Isiraa'el fudhatanii turan.

Mootummaa: Philaaxoos Phenxencha, bulchaa warra Roomaatu, biyya Isiraa'eliin bulchaa ture. Xiberiyos, Mootiin Roomaa immoo isaa olitti bulchaa ture.

Amantii: Yihuduuma. Warri Yihudootaa Yerusaalem keessaa mana qulqullummaa qabu. Luboota dhimma amantii irratti wanta hudumaa hojjetanii fi barsiisota (kan akka Fariisotaa) kanneen Macaafa Qulqulluu saba sana barsiisuu qabantu jiru.


Afaan: Afaan Ibirootaa (afaan sabni warri Yihudootaa dubbatan), Girikii (afaan addunyaa'aa, kan Sabni Mootummaa Roomaa jala turan martinuu dubbatan), Laatinii (afaan saba warra Roomaa).




Maaliif namoonni kun hundinuu laga  
bishaanii kanatti walitti qabaman?



Mootummaan  
Waaqayyoo  
dhihaateera, of  
qopheessaa!






Namoonni hundinuu nama laga qarqara  
bishaaniitti lallabu sana Yohannis  
Cuuphaa jedhanii waamu....





Ani nama barbaachisaa  
miti. Ani Isa  
eenyummaa Waaqayyoo  
nutti argisiisu sanaafan  
daandii tolcha. Inni  
Hafuura Waaqayyoo fi  
ibidda Waaqayyootiin  
isin ni cuupha. Kun  
immoo guutummaatti  
isin jijiira!

Egaa....



Itti fufees segaleen waaqa irraa akkana jedhe....

Eeyye, Ati  
Ilma Koo ti. Ani  
Sin jaalladha,  
Ani Sitti nan  
gammada.




Jalqaba bara araaraa keenyaatti Yohannis Cuuphaan saba Isiraa'el Masihicha Isa dhufu sanaaf qopheessaa ture. Yeroo sana Isiraa'el Mootummaa Roomaa keessaa kutaa biyyaa xiqqoo tokko turt.



Yihudoota biyya Isiraa'el keessa jiraatan kan gargaarsa hin qabneef cunqursamoota ta'uutisaanitti dhaga'ama. Kanaaf sabni sun yeroo itti Mashihiin dhufu fuula duratti eeggachaa turan. Inni kan isaan furu, waa'een dhufaatii Isaa Macaafa Yihudootaa isa duraanii keessatti raajii dubbatamee dha. Mashihiin kun akka qajeelummaan Waaqayyoo mo'ichaan mul'atu taasisa.

Yohannis Cuuphaan laga Yordaanositti Yesusiin namootatti argisiise.

Ilaa! Hoolicha Waaqayyoo, isa cubuu biyya lafaa irraa fuudhu.




Erga cuuphamee booda, Yesus Hafuura Waaqayyootiin gara lafa onaatti geeffame.

Guyyoota fi halkanoota 40 achi ture. Yommuu achi ture sanatti Inni homaa hin nyaanne. Inni hojiin Isaa maal akka ta'e sirriitti arguu akka danda'uuf laguudhaan turee kadhate.



Milkaa'uudhaaf, Yesus akeeka Waaqayyoo biyya lafaa hubachiisutu irra jira. Akka namoonni qabaa du'aa keessaa gadi dhiifaman taasisuun karoora Waaqayyoo ti.

Yesus seexana isa ijaan hin argamne, oogganaa dukkanaa isa biyya lafaa du'aa fi tortoraan bitu ni injifate.




Eeyye Yaa Abbaa! Ani wanta Ati Ana gaafatu nan raawwadha!

Garuu seexanni, diinni Isaa, yaada dogoggoraa ergama Waaqayyo Isa irratti qabu irraa Isa kaachisu Yesusiif kennuu yaale.

*Ati dhugumaan Ilma Waaqayyoo yoo taate, dhagoota kana buddeenatti jijiiri!*

Lakkii, Macaafa keessatti barreeffamee jira: namni buddeena qofaadhaan jiraachuu hin danda'u, dubbi Waaqayyoos isa barbaachisa.

*Ati dhugumaan Ilma Waaqayyoo yoo taate mee mirkaneessi! Fittee guutuu mana qulqullummaa irraa gadi utaali. Ergamoonni harka isaanii irratti akka Si baatan caafamee jira mitii?*



*'Waaqayyoon hin qorin' kan jedhus immoo caafamee jira.*

*Lafa dhooftee anaaf yoo sagadde, qabeenya biyya lafaa kana irra jiru hundumaa Siif nan kenna.*




*Seexana nana, ana irraa adeemi! Waaqayyo qofaad sagaduu fi tajaajiluun akka nuuf ta'u barreeffameera.*


Ergasii seexanni Yesusiin dhiise, ergamoonni Waaqayyoos dhufanii Isaaf in ergaman.





Yesus Hafuura Qulqullutiin guutamee gara Galiilaatti deebi'e. Yesus kaaba Isiraa'el, kutaa biyaa jiraattota baay'ee qabu kana keessatti guddate. Yommuu Inni adeemu namoota baay'eetu gara Isaa dhufu turan. Yesus Masihicha Isa raajonni waa'ee Isaa barreessan ta'u Isa ni shakkan.



Qaanaa, gaarota Galiilaa keessaan bakka tokkotti  
kan argamtu, keessaan cidha tokkotu ture....




Yesus haadha Isaa fi michoota  
Isaa waliin cidha sana irra ture.





Qifirnaahom ganda naannoo galaana Galiiilaatti argamtu kan qurxummii qabuudhaan badhaatee dha. Yesus kan Inni namoota baay'eetti waa'ee Mootummaa Waaqayyoo dubbachuu eegale bakka kanatti.



Phexros, mee bidiruu kee gara tuujubaatti achi geessii kiyoo kee karaa sanaan bisaanitti darbadhu.



Iddoo kanaa duuka buutota Isaa warra jalqabaa filate.




Yaa barsiisa, eda halkan guutuu guddaa itti dadhabne, homaas hin qabne.






Garuu waan Ati jetteef....



Maal! Ani amanuu hin danda'u!








Yesusis duuka buutota Isaa waliin guutummaa Galilaa keessa naanna'ee, waa'ee mootummaa Waaqayyoo namoota hundumaatti hime.

Dhukkubaa fi dhibee hundumaattiis namoota ni fayyise. Hafuurota hamootas ni baase. Kana irratti namoonni ajaayibsifatani, Isa duukaa bu'an. Isaan kutaalee biyyaa biroo irraa illee, Yerusaalem magaala guddittii biyya Isiraa'el irraas ni dhufan.

Karaa hafuuraatti hiyyeessota warri ta'an haa gammadan, mootummaan waaqaa kan isaanii ti.





Guyyaa tokko Qifirnaahomitti namoonni mana Yesus keessa ture manaa fi ala guutan....

Ol galchuu hin dandeenyu.

Karaa bantii manaa; afata isaatiin gadi buusuu qofa!

Irra manaatii maaltu ta'aa jira?

Isaan dhiisaa! Firoonni nama kanaa amantii guddaa qabu.

Attamitti namichi kun akkas dubbata? Kana dhageesseettaa?

Kun Waaqayyo arrabsuu Isaa ti!

Waaqayyo tokkitchatu cubbuu namaaf dhiisuu danda'a!

Kamtu salphaa dha? Namicha dhagni isaa gar tokko du'e sanaan, 'Cubbuun kee siif dhiifameera' jechuu moo yookiis, 'Ka'iitii adeemi' jechuu?



Masihichi dhiifamuu cubbuu kennuudhaaf aboo qaba. Garuu Ani ammas sittan hima, ka'iitii siree kee fudhadhuu dadeemi!





Garuu nama hundatu hojii  
Yesus kanatti gamade miti.  
Geggeessitoonni amantii Yesus  
seera Sanbataa ni eegaa fi hin  
eeguu Isaa caqasaa turan.  
Isiraa'el keessatti guyyaa kana  
hojii tokko illee hojjechuun  
ciminaan dhorkaa dha.











Yesus duuka buutota Isaa wajjin bidiruudhan  
galaana Galiilaa irra adeeme.






Tulloota sana keessa kan jiraatu  
nama hafuura hamaatiin qabame  
tokkotu ture...









Ani isinitti nan hima, Ilmi ofuma Isaatiin homaa gochuu hin danda'u. Inni isa Abbaan Isaa hojjetu ilaalee in hojjeta. Ani fedha Abbaa Kootii malee, yaada ofii Koo raawwachuu hin barbaadu. Kan Ana erge Isa.




Isaanis Phexrosii fi obboleessa  
isa Indriiyaas....




Yaaqoobii fi obboleessa  
isa Yohannis....



Filiphosii fi Nataanaa'el....



Toomaasii fi Maatewos (isa duratti mootummaa Roomaa isa biyya isaanii fudhateef qaraxa fuudhaa ture)




Taadewosii fi Yaaqoob isa kaan....



Simoon, isa loltuu garee finciloottaa ture, fi Yihudaa nama biyya Keeriyot.




Dhaqaa. Namni isin simu Ana simuu isaa ti, namni Ana simu Isa Ana erge simuu isaa ti.




Midhaan sassaabamu baay'ee dha, hojjetoonni sassaaban garuu muraasa. Egaa hojjetoota warra midhaan sassaaban itti haa yaafatuuf, abbaa midhaanichaa kadhadhaa!

Ergamoonni warri 12 gara Yesusitti deebi'anii, waan hojjetan hundumaa Isatti himan. Ergasii Inni isaan qofaa wajjin gara iddo qoofnii adeemuu barbaade, garuu namoonni baay'een Isa biraa hafuu didan.




Ammas Yesus ni barsiisa, ni fayyisas ture. Yeroon galgalaa'aa adeeme...




Buddeenni miindaa ji'a saddetiin utuu bitamee iyyuu tokkoon tokkoon isaanii xinnoo xinnoo illee wal hin ga'u!

Gurbaan buddeena shanii fi qurxummii xixiqqoo lama qabu tokko as jira. As kan jiru kanuma qofa.



Namoota shantama shantamaan teessisaa.




Yesus Waaqayyoon galateeffate....

Buddeena fi qurxummii sana ni caccabse.



Yesus nyaaticha baay'isee, namoonni kumaatamni ni nyaatan.



Inni Mashicha Isa gara biyya lafaa dhufuuf jiru ta'u qaba.

Mootii Isa taasifachuutu nuuf ta'a!



Mee ilaala!  
Gundoo 12  
guutuutu irraa  
hafe.



Amma yeroo itti namoonni gara mana isaaniitti adeemuun irra jiruu dha. Isin bidiruu yaabbadhaa bishanicha gamatti ce'aa. Ani gaara kana irra turee nan kadhadha.





Booda....




Hin sodaatinaa.  
Innoo Ana!

Uuuuu! Kun  
ekeraa dha!




Gooftaa erga Si'i  
ta'ee, akka ani  
bishaan irra  
adeemee gara Kee  
dhufuuf ana  
abboom.

Phexros,  
kottu.




Gooftaa na  
oolchi!



Phexros,  
maaliif  
mamte?

Namoonni akka Yesus Mootii ta'etti labsuu fedhan jiru. Geggeessaa Isaatiin bittaan warra Roomaa akka isaan irraa ka'u abdatu. Warri Yesusiin mormanic baay'achaa adeeman. Isaan ittuma fufanii Yesusiin ni hammeessan. Namoota irratti kakaasanii Isa balleessuu ni barbaadu turan.



Mormiin Yesus irratti ka'e  
guddachaa adeeme.  
Kanaaf Inni Galilaa  
dhiisee adeemeet, tajaajila  
Isaa Isiraa'el keessa  
naanno biraatti warra  
Isa duukaa bu'an  
dhiirotaa fi dubaartootaa  
kennuu itti fufe.

GALIILAA

ISIRAA'EL

Booda immoo gara  
Yerusaalem adeeme.





Utuu adeemaa jiranii....  
Namoonni eenu  
Anaan jedhu?


Isaan raajiidha  
Siin jedhu.

Isinhoo?


Isin eenu  
Anaan jettu?




Ati Fayyisaadha, Ilma  
Waaqayyo Jiraataa ti.



Kana nama tokkotti illee hin himinaa. Masihichi  
gara Yesusaalem dhaquun, achittis dhiphachuu  
fi du'un Isa irra jira. Garuu guyyaa  
sadafkaatti awwala keessaa ni ka'a.





Dallaa Yerusaalem duubatti yeroo baay'ee namoonni ni ajjemamu. Adaba du'aa isa gara-jabeenyaan warri Roomaa kennaniin rarraafamanii ajjemamu.




Eenyu illee Ana duukaa bu'u yoo barbaade ofii isaa dhiisee, fannoo isaa baatee Ana duukaa haa bu'u.

Namni lubbuu isaa oolfachuu barbaadu isa ni dhaba. Garuu namni Anaaf jedhee lubbuu isaa kenu isa ni argata.



Kana beekuu qabdu,  
Waaqayyo tokkicha.

Inni hundumaa irra caalu jirenyaa kee guutuudhaan Waaqayyo jaallachuudha; inni biraan immoo akka ofii kee jaallattutti nama jaallachuutu sif ta'a.




Yeroo sana biyya Isiraa'el keessa gandoota warri dhukkuba lamxii qaban keessa jiraatantu turan. Dhukkubni lamxii dhukkuba gogaa qaamaa kan baay'ee nama dhipisuu dha. Kanneen dhukkuba kanaan qabaman namoota fayaatti makamanii jiraachuun hin eyyamamuuf.







Warri dhukkuba lamxii qaban  
yommuu karaa irra adeeman  
sagalee guddaadhaan  
dubbatanii akka namoonni itti  
hin dhihaanneef akeekkachiisuu  
qabu.

Nuyi lamxaa'oo dha!  
Nuyi lamxaad'oo dha!



Yaa Yesus! Yaa  
Barsiisa! Nuuf oo'i.






Geggeessitoonni Yihudootaa  
Yerosaalem keessa jiraatan  
utuu Inni karaa irra adeemuu  
Yesusin qabsiisuudhaaf  
naa'ota isaanii Isatti ergan.  
Isaan guutummaan guutuutti  
hojii Isaatiin ni morman.


Inni namoota akka seeraatti hin jiraanne, kan akka ejitootaa,  
kanneen warra Roomaatiif qaraxa fuudhan... itti dhihaata.

Masihichi warra badan  
barbaaduudhaaf  
fayysiuduhaafis dhufeera.



Sababa Yesus guyyaa  
Sanbataatti fayysiuf....


Ijoolleenis Isa biratti  
ilaalcha addaa qabu....



Yesus gara Bitaaniyaa, ganda  
 Yerusaalemitti dhihoo ta'eetti  
 waamame. Alaazaar,  
 obboleettonni isaa lamaan  
 Maariyaamii fi Maartaan  
 firoota guddaa Yesusitti  
 dhihaatan turan. Alaazaar  
 kanatu dhukkubsate. Yommuu  
 Yesus Bitaaniyaa ga'e,  
 Alaazaar du'ee erga  
 awwaalamee guyyaa afur ta'u  
 isaa dhaga'e.



Yaa Gooftaa, utuu ati as  
 jiraattee, obboleessi koo  
 hin du'u ture.



Eyyee, Guyyaa isa dhumaatti,  
 yeroo warri du'an du'aa  
 ka'anitti, akka inni ka'ee  
 deebi'ee jiratu ani beeka.






Du'aa ka'uun, jireenyis Ana.  
 Namni anatti amanu yoo du'e  
 iyyuu in jiraata. Kana  
 amantaa ree Maartaa?

Eyyee Gooftaa! Ati Kristos, isa  
 gara biyya lafaa dhufuuf  
 abdachifame, Ilma Waaqayyoo  
 akka taate amaneera.


Essatti isa awwaaltan?

Kottuutii ilaali,  
 Gooftaa!





Geggeessitoonni Yesusaalem keessa jiran waa'een Yesusii fi duuka buutota Isaa caalcisanii isaan yaachise.



Namichi kun dinqiiwan baay'ee hojjeta.

Akkasumatti akka itti fufuuf yoo Isa dhiifne, warri Roomaa tarkaanfii fudhatu.


Isaan mana qulqullummaa keenya, saba keenyas nu duraa barbadeessu.

Mee itti yaadaa! Sabni guutummaatti dhumuu mannaa, namni tokko sabaaf du'uun ni wayya.

Sababni Yesus ajjeefameefis isuma kana!

Yeroo sanaa jalqabanii, geggeessitoonni Yihudootaa Yesusiin qabanii warra Roomaatti dabarsanii kennuudhaaf fucha eeggachaa turan. Aboo adaba du'aa kennuu kan qabu isaan qofa ture.


Utuu Yesus Bitaaniyaa keessa jiruu....



Ayyaanni Faasikaa dhihaatee ture. Namoonni baay'een gara Yerusaalemtti adeemu.



Geggeessitoonni Yerusaalem keessa jiran Yesusiin qabuudhaaf karoora baasaa jiru. Utuma ta'uu iyuu Yesus gara magaalichaatti adeemaa jira.



Namoonni sagalee  
guddaadhaan ililchanii  
Isa simatu.

Inni maqaa  
Waaqayyootiin dhufu  
bara barabaraan haa  
jiraatu!

Yaa Yerusaalem,  
har'uma illee, ati  
nagaadhaaf kan siif  
ta'u utuu beektee,  
attam gaarii ture.  
Ati garuu isa kanaaf  
fedha hin qbdu.

Hosaa'inaa!


Hosaa'inaa!

Mootii  
Israa'el!


Nuyi eessatti iyuu kan  
akkasi argachuu hin  
dandeenyu.

Biyi lafaa Isa  
duukaa bu'eera.

Manni qulqullummaa inni  
magaalaa guddittii keessa jiru  
giddu-gala waaqeffanna ti.




Yeroo ayyaana Faasikaa hoolonni  
ni qalamu.



Namoota Waaqayyotti araarsuuf  
mana qulqullummaa keessatti  
hoolonni arsaa dhiheeffamu.



Garuu hoolaa aarsaa isa kamtu  
dhugumaan namoota cubbuu  
isaaniittii qulquelleessuu danda'a?









Mana qulqullummaa keessatti namoonni bitaa  
gurguraa, qarshiis jijijiiraa turan.



Yesusis achi jira.







Yoo Isa dogoggorsine  
karaa ittiin Isa qabannu  
ni arganna ta'a. Kananis  
Isa ajeesuu ni  
dandeenyaa.

Garuu yeroo  
ayyaanichaatti hin ta'u.  
Yeroo ayyaana  
Faasikaatti homaattuu  
dhiphachuu hin  
barbaannu.





Yoo ani Isa dabarsee  
isinitti kenne qarshii  
meeqa anaaf kennitu?

Inni Yihudaa isa  
duuka buutota  
Yesus keessaa  
tokko turee dha!






Ani Yesusiin  
dabarsee isinitti  
nan kenna!

Yoo ati Yesusiin dabarsitee  
nutti kennite, nuyi qarshii 30;  
gatii ittiin garbichi tokko  
bitamu siif ni kennina.



Utuma warri geggeessitootaa  
 akka Inni sabatti hin  
 dubbanne taasisuu yaalanii,  
 Yesus guyyoota ayyaana  
 Faasikaa dura turan sana  
 mana qulqullummaa keessatti  
 saba barsiisaa ture.







Dhipachuu Koo fuul dura  
irbaata Faasiikaa miilanaa isinii  
wajjin nyaachuudhaaf garaa Koo  
guutuu hawweera.

Mootonni warra biyya lafaa akka  
sabni isaanii isaaniif hojjetu  
taasisu. Isin keessatti garuu  
faallaa kanaa ta'uu qaba.




Inni nama hundumaa tajaajilu  
geggeessaa keessan ta'uuf jira.




Ani isin gidduutti  
akka isa isiniif  
ergamuu ti.









Galgala gaafasii, Yesusii fi duuka buutonni Isaa magaalaa keessaa ba'anii adeeman. Yihudaan isaanii wajjin hin turre....




Isin attamitti yeroo akkasiitti  
rafuu dandeessu? Ka'aa! Inni  
dabarsee Ana kennu dhihaateera!



Isa ani dhungadhu  
qabaa.



Attam Barsiisaa ko!




Yihudaa, dhungachuudhaan  
Masihicha dabarsitee kennitaa?



Yaa Gooftaa,  
isaan lolluu?

Lakkisaa!



Yesus akka Isa qabaniif of kenne. Duuka buutonni  
Isaa kallattii adda addaa irra baqatan.



Yesusiin gara mana Angafa Lubootaa, isa oogganaa geggeessitootaa Yihudoota hundumaa ta'eetti geessan. Phexrosii fi Yohannis fagootti Isa duukaa bu'an.



Phexros gara oobdii mana angafa lubootaatti ol seene.



Ati Isaa wajjin hin turree?





Lakkii! Ani namicha kana hin beeku.

Ati isaan keessaa tokko; mitii?




Ati dhuguma Isaa wajjin turtre.  
Ati nama Galiilaa ti!






Yesus gara Philaxos, bulchaa warra Roomaatti geeffame. Geggeessitoonni Yihudoottaa namoota daawwachaa turan Isa irratti kakaasan. Isaan itti wachanii wantoota adda addaatiin Isa hammeessan.



Wantoota isaan ittiin SI hadheessan kana hundumaaf maal jetta? Waan deebiftu homma hin qabduu?




Ati maal goote?


Ani dhugaadhaaf dhugaa ba'uufan dhufe.






Dhugaan maali?







Ani dabaa tokko illee Isa irratti hin argine. Amma ayyaana Faasiikaa ti. Eenyuuun gadi isiniif dhiisu? Barabaa moo Mooticha Yihudoottaa?









Caaffanni yakka Inni ittiin himatame mul'isus, "Inni kun Yesus mootii Yihudoottaa ti" kan jedhu, afaan sadin kan barreeffame mataa isaa irraan kaa'amee ture.

Yesus daadhii dhangaggaa'aa dhuguu ni dide.

Loltoonni uffata Isaa buufata mukaatiin hirmaatan.



Ilma Waaqayyoo  
yoo taate mee  
fannoo irraa gad  
bu'i!

Eeyyee! Inni  
namoota biraa  
hin oolchinee?

Of oolchi,  
nuunis  
oolchi!

Namanana, Waaqayyoon illee hin  
sodaattu moo? Nuyi qajeeltootti nutti  
murteeffamee hojji keenya nyaanne;  
inni kun garuu homaa hin yakkine!



Mootummaa keetiin yommuu  
dhuftu na yaadadhu!



Dhuguman sitti hima,  
har'a Anaa wajjin  
jannata keessatti in  
argamta.

Guyyicha keessaa sa'aatii ja'affaatti, biiftuun ifa ishee dhabde. Dukkanni lafa hundumaa irra ture.

Maariyaam haati Yesus fi bartuun Isaa, Yohannis, fannoo sanatti dhihaatanii ni dhaabatu turan.

Isin ammaa eegalee haadhaa fi ilma.



Waaqayyoo Ko, Waaqayyoo Ko maaliif Na dhiifte?

Ani nan dheebodhe!

Yaa Abbaa Ko, Ani hafuura Koo harka Keettan kennadha.



Fiixaan ba'eera.



Yesus waaree booda sa'aatii sagalitti du'e. Loltoota keessaa inni tokko eeboodhaan cinaacha Isaa waraannaan, dhiignii fi bishaan keessaa lola'e.



"Inni akka hoolaa gara gorra'amuutti oofame" jedhamee Macaafa keessatti barreeffamee jira.


"Inni sababii yakka keenyaaf reebamee in caccabsame." Garuu amma Inni ni du'e.

Inni Kristosicha Isa dhufuuf ture sana moo miti?




Mee kottaa, Isa awwaaluu ni dandeenyaa yoo ta'e dhaqnee eyyama gaafanna.


Yoseef kan jedhamu namni Armaatiyaa fi Niqoodemos reeffa Yesus fanno irraa gadi buusan. Isaan urgooftuu dibanii wayyaa quncee talbaa irraa hojjetameen Isa kafanan. Yesusiin awwaala keessa kaa'anii, balbala awwaalichaatti immoo dhagaa gangalchan.




Dubartooni waa'ee Isaatiif  
gaddaa turan baay'een guyyaa  
Sanbataatti akka seerri ajajutti  
erga boqotanii booda, gara  
awwaalichaa adeeman.



Isa jiraataa maaliif warra du'an  
keessa barbaaddu? Innoo  
ka'eera. Dhaqaa duuka buututa  
Isaatti himaa!



Yommuu kana dhaga'an Phexrosii'  
fi Yohannis ba'anii, gara  
awwaalichaatti fiigan.



Dhaabaa sana keessa, naannoo awaalichaa....




Dubartii nana, maaliif boossa?  
Eenyuun barbaadda?




Gooftaa ko,  
ati asii Isa  
fuuteettaa?



Maariyaam!



Barsiisa!



Ana hin qabin! Gara  
obboloota Koo dhaqii, ‘Ani  
gara abbaa Kootii fi abbaa  
keessaniitti, gara  
Waaqayyo kootii fi  
Waaqayyo keessaniitti ol  
nan ba’ a’ jedhii isaanitti  
Anaaf himi!

Gaafasuma duuka buutota Yesus keessaa namoonni lama garaan isaanii kan gadde, waa'ee du'u Yesus haasa'aa utuu adeemanii, namni karaa adeemu tokko waa'ee isaa isaanii wajjin dubbachaa ture....

Isin waan raajonni dubbatan hin amantanii? Kristos kun ulfina isaatti galuudhaaf dhiphachuu Isa irra hin turre moo ree? Innis macaafa Musee fi macaafota raajotaa hundumaa keessatti barreeffamee jira!



Nyaatatti yommuu dhi'aatanis, keessummichi isaan biraa dhabame.

Yeroodhuma sanattis ka'anii duuka buutota Yesus warra kaan bira adeeman.

Maariyaamii fi Phexrosis arganiiru!


Garuu inni Yesus ofii Isaa ti!

Nuyi Goofticha argineerra!




Akkuma tasaa....

Nagaan isiniif haa ta'u!





Akka Ana ta'e isin hin amantanii? Mee harkaa fi miilla Koo ilaala!

Gooftaa koo, Waaqayyo o koo!



Itti fufees Yesus guyyoota 40f duuka buutota Isaatti of mul'ise. Yeroo tokkotti namoota 500 tti iyuu of mul'iseera. Gaaf tokko ergamoota Isaa keessaa garri tokko bishaan ciisaa Galilaa keessaa qurxummii qabaa turan....



Phexros, dhuguma  
Ana ni jaallattaa?



Yesus gaaffii kana si'a sadii  
Phexrosiin gaafate....

Eeyyee Goftaa,  
akka ani Si jaalladhu  
Atuu ni beekta.

Hoolota Koo  
eegi!

Ana  
duukaa  
bu'i!

Goftummaan hundinuu waaqa irratti  
lafa irrattis anaaf kennemeera. Egaa  
dhaqaa, maqaa abbaatii fi ilmaatti,  
kan hafuura qulqulluuttis isaan  
cuuphuudhaan, saba hundumaa  
bartoota koo godhaa! Waanan isin  
abboome hundumaa eeguu isaan  
barsiisaa!

Kanas yaadadha; Ani hamma dhuma baraatti  
guyyaa hundumaa isinii wajjin nan jira.

Erga kana isaanitti  
dubbatee, Yesus lafa  
irraa ol ka'ee gara  
waaqa keessaatti ol  
fudhatame. Garuu  
namoota hundumaatti  
murtii kennuuf deebi'ee  
akka dhufus  
dubbateera....


Duuka buuttonni Isaa  
Yerusaalem keessatti  
kadhachaa, eegaas turan.  
Hafuura Qulqulluu, Hafuura  
Waaqayyootiin guutaman.  
Hafuuruma Isa Yesus keessa  
jirutu amma isaan keessas jira.  
Inni namoota haaraa warra  
humnaa fi ija jabinaan waa'ee  
Yesus dhugaa ba'uu danda'an  
isaan taasise.

Duuti qabaa isaa  
keessa Yesusiin  
tursuu hin  
dandeenye.  
Waaqayyo du'aa  
Isa kaasee,  
Gooftaa,  
Masihicha Isa  
taasise.



Utuma mormii guddaan isaan irra jiruu, duuka  
buuttonni Yesus adeemanii Isaaf dhugaa ba'an.

Yesus Ilma  
Waaqayyoo ti!





Ergaan kun xalayaadhaanis ni  
labsame.

Inni cubbuu  
keenyaa of  
irratti baatee  
fannoo irratti  
du'e. Sababa  
kanaaf si'achi  
nuyis cubbuu  
jalaa duunee  
karaa  
Waaqayyo  
jallatu irra  
jiraanna.

Amma egaa addunyaa Kana  
irra kan jiraatan  
duukabuuttonni Yesus hundinuu  
waliin kadhachuuf, Macaafa  
Qulqulluu dubbifachuufis  
walitti ni qabamu. Isaan waa'ee  
du'a Yesus yaadachuudhaaf  
waliin buddeena ni cabsatu,  
xoofa dhugamus waliin ni  
hirmaatu. Jaalala isaa, isa  
garaa isaanii keessa bule sana,  
warra naannoo isaani jiran  
waliin akka hirmaatan fedha  
Waaqayyoo ti.



Yesus akka karoorri  
Waaqayyo namaaf  
raawwatamu taasise.



Yesus nu jaallata! Galata  
Isaaf dhiheessaa, Isa  
waaqessaas!

Waaqayyo, akkasitti tokkicha  
Ilma Isaa hamma kennuufitti  
biyya lafaa jaallate; kun  
immoo isatti kan amanu  
hundinuu jirenya bara baraa  
haa qabaatuuf malee, haa  
baduuf miti!

WILLEM DE VINK

## Macaafa Qulqulluu

Seenaan Yesus Macaafa Qulqulluu keessatti barreeffamee jira. Macaafa Qulqulluu caalaa macaafni dubbifamu hin turre, ammas hin jiru. Inni Macaafa macaafota hedduu of keessa qabuu dha. Macaafonni kun hundi caafamanii xumuramuuf waggoota 1500 fudhate. Macaafni Qulqulluun waggoota 1900 dura barreeffamuun isaa xumurame. Waa'ee akkaataa itti Waaqayyo jirenya namaa keessatti hojjetuu seenaawan mara of keessa qaba. Seenaan Yesus eenyummaa Waaqayyoo caalchisee ibsee argisiisa.


## Seenaan Yesus

Macaafni Qulqulluun macaafota 4 kanneen waa'ee Yesus ibsan of keessa qaba. Macaafonni kun maqaa barreessitoota isaaniitti moggaafaman. Barreessitoonni isaanii hundi bara Yesus biyya lafaa irra jiraate keessa jiraatan.

Maatewos – bartuu Yesus ture. Dura qaraxa fuudha ture. Inni addumaan akka itti Yesus namoota Isiraa'el (Yihudoota) gidduutti hojjete barreesse.

Maarqos – Yommuu Yesus hojjechaa ture inni saafela ture. Inni waa'ee dinqiiwan Yesus hojjetee yertuu isaa barreesse.

Luqaas – Inni doktoorii fayyaa ture. Inni ofii isaatii Yesusiin hin argine. Luqaas akka itti Yesus namoota tajaajilaa ture barreesse.



Yohannis – Innis duuka buutuu Yesus ture. Inni caalmaatti eenyummaa Yesus argisiisa. Yesus Waaqayyoo dha. Inni namoota cubbuu isaaniitti furuuf nama ta'e.

## Dhalachuu Yesus


Yommuu Yesus dhalate, haati Isaa,  
Maariyaam hin heerumne. Isheen durba  
turte. Akka Yesus dhalatuuf  
Waaqayyotu haala mijeesse. Hojiin  
dinqiin kun akka ta'u dhalachuu Yesus  
waggoota baay'ee duursee Caafata  
Qulqullaa'oo keessatti beeksifamee jira.  
Yesus kan Inni dhalate akka nama  
beekamaatti yookiis nama addaa  
tokkotti miti. Kutaa biraan bakka sana  
waan hin turreef dallaa horii keessatti  
dhalate.

## Dinqiwwan Yesus Hojjete

Yesus dinqiwwan baay'ee hojjete.  
Macaafni Qulqulluun namoota Inni  
fayyise 40 ol caqasee jira. Hojii dinqii  
kanaan Yesus humnaa fi jaalala  
Waaqayyoo argisiise; namoota  
gargaaruu fi isaan gammachiisuus  
barbaade.



## Du'uu fi Du'aa Ka'uuy Yesus



Yesus maaliif du'e? Ibsi isaa Macaafa Qulqulluu keessatti kennameera.

Namoonnii hundinuu yeroo tokko tokko dogoggora ni hojjetu. Wanttoonni kun kanneen Waaqayyo hin jaallanee fi kan Isa aarsan yookiis gaddisiisanii dha. Isaan kun cubbuu jedhamanii waamamu. Cubbuuwan kun michuu Waaqayyoo ta'uu irraa namoota ittisu.

Yesus sababa kanaaf gara biyya lafaa dhufe. Yesus fedha ofii Isaatiin adaba cubbuuwan keenyaa of irratti fudhate. Adabichis du'a. Sababa Yesus bakka keenya du'eef, nuyi deebinee fira Waaqayyoo ta'uu ni dandeena. Garuu dogoggora hojjenneef gaabbinee yaada garaa keenyaa jijiirachuu qabna. Yesus du'aa ka'eera. Waaqayyo akka Inni deebi'ee jiraataa ta'u taasise. Kanaanis Waaqayyo du'a caalaa humna qabeessa ta'uu Isaa argisiise. Yesus amma Waaqayyo bira jira. Inni jiraataa waan ta'eefis, yeroo hundumaa fira nuuf ta'uu ni danda'a. Karaa Waaqayyoon gammachiisu irra akka jiraannuuf Inni nu gargaaruu barbaada.

### Kadhanna

*Dogoggora hojetteef yoo gaabbitee fi fira Waaqayyoo ta'uu yoo  
barbaadde, akka kanatti kadhachuu ni dandeessa:*

*"Yaa Waaqayyo, Atti ana jaallatta.*

*Ati Ilma Kee tokkicha, Yesusiin anaaf kenniteetta.*

*Cubbuu ani hojjedhe hundumaaf Inni fanno irratti du'e.*

*Dogoggora ani hojjedhe hundumaaf adaraa araara anaaf godhi. Ani  
waa'ee isaaf gaabbeera.*

*Yesus gara koo waan ta'eef galatoomi.*

*Ani yeroo hundumaa kan Kee ta'uu nan barbaada.*

*Adaraa karaa Ati irra jiraachuu koo barbaaddu irraa akka ani jiraadhuuf  
ana gargaari.*

*Yeroo hundumaa anatti dhihaadhu.*

*Kadhata koof deebii waan anaaf kennituuf galatoomi.*


*Ati waan abdachiiste ni raawwattta."*

## Yesusii fi si'i

Oduun waa'ee Yesus ifaa dha. Yesus fira namoota baay'ee ture, ammas akkasuma. Biyyi lafaa ni jijiirame. Namoonni baay'een harreedhaan yookiis fardaan hin adeeman; garuu konkolaataa fi xiyyaaraan adeemu. Garuu kun Yesusiif adda addummaa hin qabu. Akkuma isa yeroo biyya Israa'el keessa adeemaa ture sanaa, nutti dhihoo jiraachuutu ni danda'a. Inni ijaan hin argamu yoo ta'e iyyuu, nuu wajjin jiraachuun Isaa dhugaa dha. Har'a iyyuu fira siif ta'u barbaada. Isa dhaggeeffachuu fi Isa jaallachuutu siif ta'a.

Waa'ee Yesusii fi waa'ee jirenya Isaa wajjinii caalchistee beekuu barbaaddaa? Egaa waan kanatti fufee jiru raawwachuutu siif ta'a:

1. Macaafa Qulqulluu dubbifachuu eegali.  
(fakkeenyaaaf Wangeela Luqaas barreesse dubbisuu eegali).
2. Kadhachuu eegali  
(Waaqayyoo wajjin dubbadhu, Isa dhaggeeffadhus – jechoota adda ta'e fayyadamuu si hin barbaachisu).
3. Waa'ee Yesusii fi waa'ee Macaafa Qulqulluu namoota birootti himi. Yesus akka duuka buutonni Isaa walitti qabamanii fi wal jajjabeessan, waa'ee Isaas caalchisanii akka baratan barbaada.



Barumsaa fi fakkeenyota kan barreesse: Willem de Vinki.


Mirgi Barreessaa kan 1993 Stichting Wereldtaal, Houten, kan Nezerlandi.

Afaan Jarmaniitti moggaasa "Jezus Messias" jedhuun maxxansame. Afaan Orommo 2018 gulaalame ISBN:978-90-73150-63-8

Kophii Dijitalaa jechoota "Creative commons" jedhuun eyyama BY-SA tii.

Mirgi hiikuu, baay'isuu fi itti dabaluu hundumtuu biyyoota hundamaattif dhorkamaa dha.

email: jmpbk.app@gmail.com



*YESUS MASIHICHA: Kun oduu dhugaa kan Yesus Masihicha ti. Inni naannoo waggoota 2000 darbee keessa biyya Israa'el keessa jiraate. Namni Isa argu eenu iyyuu ni ajaayibsiifata. Wanta Inni hojjete namni hojjechuu danda'u hin jiru. Wanta Inni dubbate namni dubate hin jiru. Iddoo Yesus jiru hundumaatti dinqiiwan ittuma fufanii ta'u turan. Nama dhugaatti Isa dhaggeeffatu hundumaaf gammachuu fi boqonnaa kennaaf. Akka tasaatti gara xumuraatti dhufe. Diinonni Isaa Isa fannisan. Garuu kun xumura seenaa Isaa miti. Kun attamitti akka ta'e ofii keetii dubbisi; akka itti seenaan Yesus Masihichaa itti fufee jirus ilaali.*

*language: Oromo (Ethiopia)  
ISBN: 978-90-73150-63-8*